

Na osnovu članova 10. – 15. Statuta Udruženja za zaštitu prava proizvođača fonograma "FONOGRAM" (u daljem tekstu: FONOGRAM), Skupština FONOGRAM-a na sjednici održanoj u Sarajevu, dana 09.12.2016. godine usvojila je:

PRAVILNIK

o PRISTUPANJU I ISTUPANJU ČLANOVA "FONOGRAM"-a

I OPŠTE ODREDBE

Član 1.

Ovim Pravilnikom regulišu se način i uslovi za učlanjenje i istupanje iz članstva u Udruženju za zaštitu prava proizvođača fonograma BiH—"FONOGRAM"(u daljem tekstu: FONOGRAM).

Nosilac prava proizvođača fonograma je fizičko ili pravno lice sa sjedištem na teritoriji Republike Bosne i Hercegovine, koje je zakonitim pravnim poslom steklo prava proizvođača fonograma.

Članovi Udruženja su fizička lica državljeni Bosne i Hercegovine i pravna lica koja su registrovana u Bosni i Hercegovini , a koja su proizvođači fonograma u skladu sa članom 126. Zakona o autorskim i srodnim pravima ("Službeni glasnik BiH", broj: 63/10), koji su povjerili Udruženju ostvarivanje svojih prava, u skladu sa Zakonom o kolektivnom ostvarivanju autorskog i srodnih prava.

Član 2.

Članstvo u Udruženju je dobrovoljno, besplatno i u skladu sa Statutom Udruženja može biti redovno i počasno.

II PODNOŠENJE ZAHTJEVA

Član 3.

Svaki proizvođač fonograma, pravno ili fizičko lice sa sjedištem ili prebivalištem na teritoriji Republike Bosne i Hercegovine, koji ima makar jedan proizvedeni fonogram na teritoriji Republike Bosne i Hercegovine, ima pravo da podnese zahtjev za učlanjenje u Udruženje.

Pravno lice sa sjedištem na teritoriji Republike BiH, koje je ugovorom sa stranim proizvođačem fonograma ili nosiocem prava proizvođača fonograma, steklo pravo proizvođača na stranom fonogramu ili steklo pravo da izda određeni strani fonogram na teritoriji Republike BiH, može podnijeti zahtev za učlanjenje u FONOGRAM, bez prava da bude birano u organe upravljanja FONOGRAMA.

Pristupanje Udruženju vrši se na osnovu pismene izjave (zahtjeva, prijave).

Svojstvo člana FONOGRAM-a stiče se zaključenjem ugovora o članstvu između FONOGRAM-a i proizvođača fonograma.

Stručna služba FONOGRAM-a vodi spisak članova Udruženja i evidenciju članova Udruženja u elektronskoj formi.

Član 4.

Podaci koje je svaki proizvođač fonograma dužan da dostavi pri podnošenju zahtjeva, odnosno prijave, su:

- puno poslovno ime proizvođača fonograma, ime zakonskog zastupnika, odnosno ime lica

- ovlaštenog za zastupanje;
- sjedište za pravno lice ili adresa prebivališta za fizičko lice;
- matični broj za pravna lica ili JMBG za fizička lica;
- ID broj za pravna lica ili broj lične karte za fizička lica;
- izvod iz sudskog registra
- PDV broj
- identifikacioni podaci (broj telefona, faksa, mejl adresa i sl.).

Ukoliko dođe do određenih promjena (sjedišta pravnog lica, odnosno prebivališta fizičkog lica, imena pravnog ili fizičkog lica, sl.), podnositelj zahtjeva, odnosno prijave repertoara, je dužan da u najkraćem roku dostavi rješenje sa izmijenjenim podacima.

Član 5.

Pored podataka predviđenih članom 4. ovog Pravilnika, podnositelj zahtjeva za članstvo u FONOGRAM-u je obavezan da prilikom podnošenja zahtjeva, odnosno prijave, dostavi katalog svih izdatih fonograma, koji moraju imati sljedeće podatke:

- tačno ime interpretatora pod kojim je fonogram izdat;
- tačan naziv fonograma pod kojim je izdat;
- trajanje fonograma u sekundama;
- godina proizvodnje;
- vlasništvo nad fonogramom;
- izdavač (label);
- početak trajanja vlasništva;
- kraj trajanja vlasništva;
- ISRC (ko od nosilaca prava posjeduje);
- zemlja porijekla;
- godina prvog snimka;
- proizvođač fonograma;
- kao i dokaz da je fonogram izdat, što se može dokazati ili dostavljanjem izdatog nosača zvuka ili omotnice (preslikane omotnice) izdatog nosača zvuka u papirnom obliku ili skenirane na cd-u, ali i omotnice koja se nalazi na specijalizovanim muzičkim web portalima na internetu ili valjan ugovor/dokaz da je nosilac prava.

Ukoliko se kao podnositelj zahtjeva, odnosno prijave repertoara, javi pravno lice sa sjedištem na teritoriji Republike BiH, koje je ugovorom sa stranim proizvođačem fonograma ili nosiocem prava proizvođača fonograma, steklo pravo proizvođača na stranom fonogramu ili steklo pravo da izda određeni strani fonogram na teritoriji Republike BiH, potrebno je da, pored kataloga, dostavi i ugovor ili drugi dokaz sa stranim proizvođačem fonograma ili nosiocem prava proizvođača fonograma.

Član 6.

Stručna služba je dužna da razmotri zahtjev podnosioca sa pripadajućom dokumentacijom, u smislu da utvrdi da li je tražena dokumentacija potpuna i da u razumnom roku obavijesti Upravni odbor FONOGRAM-a koji će bez odlaganja, a u skladu sa predhodno utvrđenim aktivnostima i dnevnim redom, razmatranje o zahtjevu za učlanjenje uvrstiti na dnevni red, te nakon razmatranja pismeno pozvati proizvođača fonograma da u zakazanom terminu pristupi u prostorije Stručne službe FONOGRAM-a radi potpisivanja ugovora o članstvu.

Ukoliko ovlaštena lica Stručne službe utvrde da podnositelj zahtjeva za učlanjenje nije dostavio neophodnu dokumentaciju propisanu ovim Pravilnikom, pozvaće ga da u roku od osam dana istu dopuni. Ukoliko podnositelj zahtjeva, u ostavljenom roku ne dopuni dokumentaciju, ista će se

smatrati neurednom i FONOGRAM će podnosioca u roku od 15 dana od dana isteka roka obavijestiti o nemogućnosti da zaključi ugovor i stekne svojstvo člana FONOGRAM-a.

Podnositelj zahtjeva ima pravo da, u roku od 15 dana od dana prijema obavještenja iz prethodnog stava, na isto uloži prigovor Upravnom odboru, koji će Upravni odbor razmotriti i o njemu donijeti odluku na prvoj narednoj sjednici. Podnosiocu zahtjeva Odluku Upravnog odbora dostavlja direktor Stručne službe u roku od 7 dana od dana donošenja Odluke.

Prijava i odjava fonograma regulisane su Pravilnikom o prijavi fonograma i rješavanju spornih i dupliranih fonograma.

III ISTUPANJE IZ ČLANSTVA

Član 7.

Članstvo u Udruženju prestaje:

- dobrovoljnim istupanjem;
- prestankom ugovora zaključenog između proizvođača i Udruženja iz člana 16. Statuta, ako isti nije produžen;
- isključenjem iz članstva;
- prestankom svojstva pravnog lica.

Svaki član Udruženja može dobrovoljno istupiti iz članstva u svako vrijeme i u tom slučaju gubi status člana FONOGRAM-a.

Sa odlukom o istupanju iz članstva, član Udruženja pismeno upoznaje Upravni odbor Udruženja, nakon čega se vrši evidentiranje istupanja iz članstva Udruženja.

Član 8.

Status člana FONOGRAM-a prestaje po isteku kalendarske godine u kojoj je FONOGRAM primio otakaz ugovora o članstvu pod uslovom da su isti u pismenoj formi dostavljeni Udruženju FONOGRAM najkasnije 30 dana prije isteka kalendarske godine. U ovim slučajevima direktor Stručne službe će u roku od 30 dana od dana isteka kalendarske godine tom licu uputiti potvrdu da su fonogrami tog lica obrisani iz baze fonograma Udruženja.

Do prestanka članstva može doći i isključenjem iz Udruženja, ako član:

- preduzima radnje suprotne Statutu i ciljevima Udruženja;
- propušta i izbjegava poštivanje pravila i odluka Udruženja;
- preduzima radnje koje su suprotne interesima Udruženja;
- neopravdano izostane sa dvije sjednice, uzastopno;
- preduzima radnje koje diskredituju Udruženje i štete njegovom ugledu.

Članstvo u Udruženju FONOGRAM prestaje i ukoliko se utvrdi da je to lice obrisano iz Registra privrednih subjekata Agencije za privredne registre, i to počev od dana kada je Agencija za privredne registre donijela rješenje o brisanju.

To lice i njegovi prijavljeni fonogrami se odmah po saznanju o toj činjenici brišu iz baze fonograma Udruženja FONOGRAM.

Članstvo u organizaciji prestaje također u slučaju da Stručna služba ili direktor Stručne službe utvrdi da to lice više nema nijedan prijavljen fonogram u bazi Udruženja, o čemu su dužni da ga

obavijeste u roku od 15 dana od dana kada su tu činjenicu utvrdili. Ovo lice zadržava pravo da naknadno podnese zahtjev za članstvo i da postane član Udruženja.

Član 9.

Otkazom ugovora o članstvu, proizvođač fonograma ne gubi pravo na učešće u raspodjeli prikupljene naknade.

IV ZAVRŠNE ODREDBE

Član 10.

Izmjene i dopune ovog Pravilnika moguće su na način i u postupku na koji je donijet. Za tumačenje odredbi ovog Pravilnika nadležan je Upravni odbor FONOGRAM.-a. Ovaj Pravilnik objaviti na veb stranici FONOGRAM-a, danom potvrđivanja.

Član 11.

Ovaj Pravilnik stupa na snagu danom donošenja.

*Udruženje za zaštitu prava
proizvođača fonograma "FONOGRAM"*

Broj: A-0467-12/16 Datum: 03.12.2016.



Predsjednik Skupštine
Svetlana Guja

A handwritten signature in black ink, appearing to read 'Svetlana Guja', is written over the typed name 'Predsjednik Skupštine Svetlana Guja'.